

17

21. jan.

Stjórn heimilishjálparinnar ræður eina stúlku til heimilishjálpar og ákveður launakjör hennar í samræmi við kaupsamninga fyrir hliðstæða vinnu.

3. gr.

4. gr.

Stjórn heimilishjálparinnar ákveður að fengnum tillögum forstöðukonu heimilishjálparinnar hvert form skuli vera á umsóknum um heimilishjálp.

5. gr.

Fyrir heimilishjálp samkvæmt reglugerð þessari skal sá, er hjálpar nýtur, greiða kr. 50.00 á dag, auk þess skal hjálparstúlka fá ókeypis fæði á vinnustað. Stjórn heimilishjálparinnar getur veitt eftirgjöf á greiðslu fyrir heimilishjálp að nokkru eða öllu leyti að fengnum tillögum forstöðukonu heimilishjálparinnar.

6. gr.

Stjórn Sambands A.-Skaftfellskra kvenna annast bókhald og fjárreiður heimilishjálparinnar og skulu reikningar heimilishjálparinnar endurskoðast árlega af þar til kjörnum endurskoðendum.

7. gr.

Forstöðukona heimilishjálparinnar lætur sveitarstjórnnum í té árlega skýrslu um starfsemina undanfarandi ár.

8. gr.

Sá halli sem verður af heimilishjálpi, sem veitt er samkvæmt reglugerð þessari og lögum um heimilishjálpi í viðlögum, greiðist að $\frac{1}{3}$ úr ríkissjóði en $\frac{2}{3}$ eru greiddir úr viðkomandi sveitarsjóðum.

Reglugerð þessi, sem samþykkt er af sýslunefnd Austur-Skaftafellssýslu, staðfestist hér með samkvæmt lögum nr. 10 25. janúar 1952, um heimilishjálpi, og birtist til eftirbreytni þeim, sem hlut eiga að máli.

Félagsmálaráðuneytið, 21. janúar 1961.

F. h. r.

Hjálmar Vilhjálmsson.

Jón S. Ólafsson.

18

23. jan.

G J A L D S K R Á

fyrir Rafveitu Eyrarbakka.

I. RAFORKA

Rafveita Eyrarbakka selur raforku á þann hátt og við því verði, sem hér segir:

A. Lýsing.

1. Um kwst.mæli á kr. 3.40 hverja kwst.
2. Um kwst.mæli á kr. 1.10 hverja kwst., auk fastagjalds, er nemi kr. 17.00 á ári af fermetra gólfplatlar í rúmi því, er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal reikna til gjalda aðeins þriðjung gólfplatlar.

Mælisleiga er innifalin í fastagjaldinu.

B. Almenn heimilisnotkun.

18

Um kwst.mæli á 80 aura hverja kwst. Auk þess skal greiða fastagjald, kr. 14.00 á mánuði af einu herbergi hverrar íbúðar og kr. 7.00 á mánuði af hverju herbergi umfram eitt.

23. jan.

Mælisleiga er innifalin í fastagjaldinu.

Í útreikningi á fjölda herbergja skal telja öll herbergi, sem ætluð eru til íbúðar, og eldhús. Herbergi minna en 5 m² skal telja sem hálf, en stærra en 25 m² sem tvö. Þar sem meðalstærð herbergja í íbúð er minni en 10 m² má reikna með þeirri meðalstærð.

C. Vélanotkun.

1. Um kwst.mæli á kr. 1.80 hverja kwst. Hafi vélnarar mjög stuttan notkunartíma, má krefjast minnsta árgjalds, kr. 345.00 fyrir hvert kw. í málraun véla.

Eftir þessum gjaldskrárlíð má einnig selja raforku til lýsingar og greiðist þá, auk orkugjalds, fastagjald, er nemi kr. 12.00 á ári á hvern fermetra gólf-flatar, í rúmi því, er lýsa skal.

2. Um afl og orkumæla þannig reiknað:

1. Grunnjald	900.00 kr. á ári.
2. Aflgjald af notuðu afli	900.00 — — kw. á ári.
3. Orkugjald	25 aura hverja kwst.

Notað afl telst vera meðaltal fjögurra hæstu mánaðarálestra hvers almanaks-árs. Aflnotkunin mælist sem meðalálág yfir stundarfjórðung og álestrar fari fram sem næst mánaðamótum

Mælisleiga er innifalin í grunnjaldinu.

3. Ef ekki eru tök á að mæla notað afl, má selja þannig:

1. Grunnjald	900.00 kr. á ári.
2. Fastagjald á hvert kw. í málraun véla	690.00 — — —
3. Orkugjald	25 aura hverja kwst.

Mælisleiga er innifalin í grunnjaldinu.

4. Ef uppsett rafvélaafl fasttengdra véla við fisk-, kjöt- eða mjólkuriðnað er yfir 20 kw., um kwst.mæli á 80 aura hverja kwst.

D. Hitun.

1. Um kwst.mæli á 21 eyri hverja kwst., enda megi þá rjúfa strauminn í allt að 3 klst. á dag á tímum mesta álags rafveitunnar um hádegi og síðdegis, en þó þá eigi lengur en 1½ klst. í senn.

2. Um kwst.mæli á 13 aura hverja kwst. í 9 klukkustundir á tímanum frá kl. 22 til 9. Minnsta árgjald skal vera sem svarar 2000 klst. notkun á hvert kw. uppsetts afls hitunartækis.

Verð til hitunar breytist með útsöluverði á dieselolíu á Eyrarbakka, þannig, að gjaldskrárverðið teljist jafngilda kr. 1550.00 verði á olíutonni, en hækki eða lækki um 1 eyri hver kwst. á líð D1 og 0.6 eyri hver kwst. á líð D2 fyrir hverjar fullar kr. 75.00, sem olíutonnið hækkar eða lækkar.

Önnur skilyrði fyrir raforkusölu til húshitunar.

- a. Að vélaafl, línur og spennar þoli álagið, að dómi rafveitustjóra.
- b. Að notandi setji klukkurofa fyrir hitalögnina og kosti viðhald þeirra. Þó getur rafveitustjóri ákveðið að rafveitan leggi til rofa og annist viðhald þeirra, og kostar þá notandinn tengingu þeirra og greiðir leigu af þeim samkvæmt reglum, er gilda um leigu mæla.

- 18 c. Að hitalagnir, þar með talin öll tæki, séu gerð samkvæmt fyrirmælum rafveit-
23. jan. unnar, ofnar fasttengdir með sérstökum rofum og hitastillar notaðir, sé þess
krafizt.

E. Önnur raforkunotkun.

1. Raforku til suðu má selja til gisti- og veitingahúsa, sjúkrahúsa og annarra slíkra staða á 80 aura hverja kwst., enda sé notkunin seld um sérmæli og suðutæki fasttengd.
2. Til nota um vinnulagnir við byggingar, meðan á byggingu stendur, um kwst.mæli á kr. 1.80 hverja kwst.
3. Til bókunarfna og fasttengdra tækja í brauðgerðarhúsum, og til annarra hliðstæðra nota, um kwst.mæli á 25 aura hverja kwst., ef straumurinn er rofinn frá kl. 8 til 22, eða um tvígjaldsmæli á 25 aura hverja kwst., frá kl. 22 til 8 og á kr. 1.80 hverja kwst. frá kl. 8 til 22.
4. Til súgþurrkunar á heyi um kwst.mæli á 60 aura hverja kwst.
5. Til götulýsingar um kwst.mæli á kr. 1.20 hverja kwst., og annast þá rafveitan rekstur og viðhald lýsingarkerfisins.

Alla raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A1. Þegar sérstaklega stendur á, má rafveitustjóri þó, að tilskildu samþykki rafveitustjórnar, selja raforku eftir sérstökum samningi í hvert skipti, en þó eigi lengur en til eins árs í senn.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum, sem hér segir:

1. Af einfasa mælum upp að 30 amp.	kr. 5.00 á mánuði.
2. — þrífasa mælum 50 amp. og minni	— 8.00 — —
3. — þrífasa mælum 50 til 100 amp.	— 15.00 — —
4. — þrífasa mælum yfir 100 amp.	— 20.00 — —

Af öðrum mælitækjum en þeim, sem nefnd eru í skránni, skal ársleigan vera sem næst 20% af verði mælitækisins. Leigan skal innheimt um leið og gjald fyrir raforku.

III. HEIMTAUGARGJALD

Af hverri húsveitu, sem tengd er við rafveituna, skal greiða heimtaugargjald, sem hér segir:

Grunngjald af loftlínuheimtaug	kr. 1200.00
Grunngjald af jarðlínuheimtaug	— 1800.00

Auk grunngjaldsins greiðist kr. 4.00 af hverjum rúmmetra húsa allt að 700 rúmmetrum og kr. 2.00 af hverjum rúmmetra þar yfir.

Heimtaugargjald fellur í gjalddaga þegar heimtaugaruppsetningu er lokið.

Sé lengd jarðlínuheimtaugar meiri en 25 m og loftlínuheimtaugar meiri en 40 m og/eða gildleiki víra meiri en 70 fermum, skal húseigandi greiða kostnað af því, sem fram yfir er. Ef lagðar eru fleiri en ein heimtaug að sama húsi, skal greiða allan kostnað við síðari heimtaug eftir reikningi.

IV. OPNUNARGJALD

18

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun 40 krónur.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduropnuð fyrr en notandinn hefur greitt 40 kr. gjald á skrifstofu rafveitunnar.

23. jan.

V. HEIMILD TIL HÆKKUNAR

Hreppsnefnd er heimilt að hækka eða lækka gjöld, sem ákveðin eru í gjaldskrá þessari, um allt að 10%, án sérstakrar staðfestingar ráðuneytisins, enda auglýsi hreppsnefndin breytinguna í Lögbirtingablaðinu áður en til hennar kemur.

Gjaldskrá þessi, sem hreppsnefnd Eyrarbyggahrepps hefur samið og samþykkt og gerð er samkvæmt vatnalögum, nr. 15 20. júní 1923 og raforkulögum, nr. 12 2. apríl 1946, staðfestist hér með til að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi numin gjaldskrá fyrir rafveitu Eyrarbyggahrepps nr. 68 18. júní 1959.

Atvinnumálaráðuneytið, 23. janúar 1961.

Gunnar Thoroddsen.

Dorv. K. Þorsteinsson.

REGLUGERÐ

19

fyrir Austur-Húnavatnssýslu um fjallskil og fleira.

23. jan.

I. KAFLI

Um stjórn fjallskilamála.

1. gr.

Samkvæmt sveitarstjórnarlögum nr. 12 31. maí 1927, hefur sýslunefndin yfirstjórn allra fjallskilamála, en hreppsnefndir eða fjallskilastjórnir, kosnar af hreppsnefndum innan viðkomandi upprekstrarfélaga, annast alla stjórn og framkvæmd á þeim hver á sínu svæði. Þó mega ákvarðanir þessara aðila aldrei brjóta í bága við ákvæði þessarar reglugerðar og skal sýslunefnd og hreppsnefndir gæta þess, að farið sé í öllum atriðum eftir ákvæðum hennar.

2. gr.

Þessi eru upprekstrarfélög í Austur-Húnavatnssýslu:

1. Upprekstrarfélag Skagahrepps.
2. Upprekstrarfélag Höfðahrepps.
3. Upprekstrarfélag Vindhælis- og Engihlíðahrepps.
4. Upprekstrarfélag Bólstaðarhlíðahrepps.
5. Upprekstrarfélag Auðkúluheiðar.
6. Upprekstrarfélag Ás- og Sveinstaðahreppa.